

# Athör cī gät kəc Itharel cī gam

## Wēt nhom

Athör cī gät kəc Itharel, ee gēt tənē akut kəc cī gam wäär duēr gamden wai wei, ku dhukkē gamden theer yic, rin cīi kəc juēc kē loikē nhiar ku yekē ke kuśc ciēēŋ. Ku keek aake ye raan gät athöör ke deet puōth ē gamden yic. Ku nyuth ke lɔn Jethu Kritho yen ē yic la cök, ku ē yen acī Nhialic rot nyuōth thīn. Wäär gēt yen athöör ē wic bī yith kadiäk deet kepuōth apei. (1) Jethu yen ē Wēn Nhialic akölriēc ēbēn, ku yeen acī bēn gum bī tē yen Wun Nhialic theek thīn ŋic. Rin ye yen Wēn Nhialic, Jethu adīt tənē kəc kāk Nhialic tīŋ cī gōt athör theer wēl Nhialic yic. Ku adīt tənē atuuc nhial ku tənē Mothith aya. (2) Jethu acī Nhialic nyuōth bī ya yen raandīt kāk Nhialic akölriēc ēbēn, ku dīit tənē kəc kāk Nhialic tō athör theer wēl Nhialic yic. (3) Ku Jethu yen ē raandīt kāk Nhialic. Ku ē yen pīr ē yic bēēi tənē yo. Ku lāāi wäär ye kəc Itharel ke nōk, ku tēwäär ye kek yanhden duōr thīn duēl yic, aa ye kīit yen aye kek pīr bī Jethu bēēi aköldā kiēt.

Ku cōkdīt 11 yic, raan gēt athöör ē kajuēc rin gam kəc theer cī gōt athör theer wēl Nhialic yic lēk kəc bā athöör kueen, bīk kepuōth deet gamden yic. Ku cōkdīt 12 aaye lēk bīk la tueŋ ke gam yet tē thou raan ku cik kekōth wēl Jethu. Ku gumkē kuat kārēc lui rōt ke, ku nāāk bī bēn tənē ke aya.

Wēl juēc tō athör theer wēl Nhialic yic, aaye raan ē gät athör kēnē tənē kəc Itharel cī gam, lac mat thīn. Kek wēlkā aabī raan kuen athöör ya yök ciel kīt ŋāny ku kīt ē thiōk yiic (“ ”). Athöör ē thōk ē wēēt ku lēk.

## Kāk tō thīn

Wēt Nhialic acī Wēnde lēk kəc .....	1:1-3
Jethu adīt ku aril tənē atuuc nhial .....	1:4-14
Buōthku Jethu bī yo luōk la pan mac .....	2:1-4
Jethu acī bēn bī yo luōk .....	2:5-18
Jethu adīt apei tənē Mothith .....	3:1-6
Gamku wēt Jethu buk rēēr ē duk .....	3:7-4:13
Jethu yen ē Raandan dīt apei kāk Nhialic .....	4:14-6:12
Athōn Nhialic ē yic.....	6:13-20
Melkidhedek.....	7:1-14
Raan dēt kāk Nhialic cīt Melkidhedek.....	7:15-28
Jethu yen ē Raandan dīt kāk Nhialic.....	8:1-15

Të ye Nhialic duɔɔr thīn wäthæer.....	9:1-10:18
Bäk lok tëthiäk ke Nhialic .....	10:19-39
Gam.....	11:1-12:29
Të ye Nhialic miëët puðu thīn .....	13:1-16
Thek kɔckun dīt wël Nhialic.....	13:17-19
Röök ciëen.....	13:20-21
Wël ciëen.....	13:22-25

### Wët Nhialic aci Wënde lëk kɔc

**1** Wäthæer Nhialic aci jam tënë kɔc kākke tīj bik wëtde lëk wärkuan dīt arak juëc dhöl juëc. <sup>2</sup>Ku ëmën, ee Wënde yen ë kākka lëk kɔc. Yen aci Nhialic thōn kārīëëc ëbën pinyinhom, ku ë riel Wënde yen ë looi yen kārīëëc ëbën tō thīn. <sup>3</sup>Wën Nhialic yen ë dhëñde nyuɔɔth. Ku yen aye Nhialic tic yeguöp ayic. Ee riel wët yen ë kāk tō nhial ku piny cɔl alui cīt të cī yen ke cak thīn. Ee yen aci thou ba adumuðömkua laak wei yogup, ku ler ku nyuuc Bäányde yic nhial cuëny Wun Madhɔl.

### Jethu adīt ku aril tënë atuuc nhial

<sup>4</sup>Këya, Jethu adīt ku aril apei tënë atuuc nhial, cīmën rin cī Nhialic gām ye bī ye a cɔl ke, “Wën Nhialic,” ye nyuɔɔth. Rinkä awär rin atuuc.

<sup>5</sup>Rin acin atuny cī Nhialic kaŋ lëk yeen ëlä,  
 “Yīn ee Wëndië, akölë, yen aci ya Wuur.”

Ku acin atuny cī Nhialic kaŋ lëk yeen aya ëlä,  
 “Yen abī ya Wuur, ku yīn abī ya wëndië.”

<sup>6</sup>Ku wäär tuuc Nhialic Wënden bī thōn kākke pinyinhom aci lueel aya ëlä,

“Yen adhīl atuuc nhial door.”

<sup>7</sup>Ku kë cī Nhialic lueel rin atuuc nhial akīn,  
 “Acä atuuc nhial cak ke puɔl gup cīmën yom.  
 Ku cīmën bir deŋ bik yeen lac aa luðöi.”

<sup>8</sup>Ku lueel Nhialic tënë Jethu ëlä,  
 “Bäánydu abī cieŋ akölriëëc ëbën, ku yīn abī ñיע mac apath.

<sup>9</sup>Yīn ee kɔc luui kăpath nhiaar, ku yīn ee kɔc luui käreëc lac tēm awuöc.

Ku ee yen kē cī Nhialic, yen Nhialicdu,  
yī tāau tueŋ kɔc nhīim rin cī yen yīin lɔc ku gēm yīin miet  
puōu ēbēn.”

<sup>10</sup>Ku wēl theer Nhialic cī gōt aa jam ēlä rin ē Jethu,  
“Bēny wäär tueŋ cək kǎŋ yīn acī piny cak, ku nhial aya ee yīn  
acī yeen cak.

<sup>11</sup>Kǎkkǎ ēbēn aabī liu aköldǎ, ku yīn abī tō thīn atheer.  
Aabī dhiɔp ku riēkkē cīmēn alath.

<sup>12</sup>Aaba ya mat yiic cīmēn alanh cī riāak ku cuet wei.  
Ku war keek aya cīmēn alēth.

Ku yīn guōp, yīn acīi rot bī kaŋ waar, ku yīn acīi bī dhiɔp.”

<sup>13</sup>Acīn atuny cī Nhialic kaŋ lēk yeen ēlä,  
“Nyuc kōŋdiēn cuēc ku yen abī kɔc aterdu guiir ku dhuök keek  
ciēen yicök.”

<sup>14</sup>Na ye këya, ya atuuc nhial kǎŋö? Atuuc aa jak Nhialic luōōi ē path.  
Aaye tooc bīk kɔc bī pīr akölrīēec ēbēn yök, aa kony.

### Buothku Jethu bī yo luök la pan mac

**2** Këya, yok aadhil yopuōth tāau piny apei ku piŋku wēt Jethu  
apath, buk cīi mēr wei dhēl la pan Nhialic yic. <sup>2</sup>Wēt Nhialic  
wäär cī yen atuōōcke tooc bīk lōŋ lēk Mothith, rin bī Mothith ye lēk  
wārkuan dīt. Kɔc cī bēn kuc bīk wēt kēnē cīi piŋ aacī bēn tēm awuōc.  
<sup>3</sup>Këya, yeŋö bī yo gēl bī yo cīi tēm awuōc aya, tē cīi yok wēt bī yo  
kony ye Jethu lēk kɔc rin pīr akölrīēec ēbēn ye piŋ? Ee Jethu yen ē kōŋ  
wēt pīr lueel. Ku yen acī kɔc cī ye piŋ lēk yo lōn ye yen yic. <sup>4</sup>Ku aye  
Nhialic nyuōōth akölaköl lōn ye kǎkkǎ yith ē kǎkkith jāŋ gōi röt looi  
yiic. Ku miōc juēc riel ye Wēi Nhialic yiēk kɔc cī kǎkkǎ gam tēcīt tē  
wic yen ye thīn.

### Jethu acī bēn bī yo bēn luök

<sup>5</sup>Nhialic acīi atuuc nhial bī looi bī ya kek la riel piny yen wic bī  
bēn guiir, piny yen jīem yok ēmēn. <sup>6</sup>Aacie ke, rin acī Debit lueel tēnē  
Nhialic ēlä theer athör waak yiic,

“Raan yeŋö, ku manh raan yeŋö, ye yīn yīnhom yiēk ye apei  
kēlä?

<sup>7</sup>Wäär aca cōl atōu nhom ciēen kaam thin-nyōōt tēnē atuuc  
nhial,

ku aŋot ca bēn yiēk bāāny ku tāau kēriēec ēbēn yecök.

<sup>8</sup>Ku wēn cī yīn kēriēec ēbēn tāau yecök.”

Acin kënë cī nyään wei. Ku emen acuk tɨŋ lɔn tō kəriëec ebën yecök. <sup>9</sup>Ku yök aa Jethu wäär ca tōöu nhom ciëen tënë atuuc nhial tɨŋ emen ke ye yen cī yiëk bääny. Yok aa Jethu tɨŋ ke cī ya bëny rin cī yen thou, bi raan ebën luök ë piath Nhialic.

<sup>10</sup>Ku ë yic bi Nhialic yen cī kəriëec ebën cak, ku cɔl ke aa ciëŋ cīt tē cī yen ke cak thīn, Jethu cɔl agum, rin wic yen ye bi kɔc juëc kony ku yëth ke bäänyde yic pan Nhialic. <sup>11</sup>Raan kɔc cɔl ala cök, ku kɔc ye looi bik la cök aala Wunden. Ku yen aciï Jethu guöp ye yär bi ke aa cɔl wämäthakën. <sup>12</sup>Acī lueel tënë Nhialic ëlä,

“Yen abī wämäthkië lëk kë ca looi, yin aba leec amatden yic.”

<sup>13</sup>Ku lueel aya,

“Yen abī Nhialic njoöth.”

Ku ben lueel tënë Nhialic,

“Yen akīn, yök mīth ca gam yen.”

<sup>14</sup>Jethu aci ya raan cimënda. Rin na le thou, ke gök jɔŋrac la riel ë thou. <sup>15</sup>Ku Jethu aci bën aya, bi kɔc ke cīt aloony piërden yic akölaköl bën wëer bei rin riöc kek ë thou. <sup>16</sup>Këya, adhilku tääu yonhiim lɔn Jethu akëc bën bä atuuc nhial bën kony. Acī bën bi yo bën luök, yök kɔc cī gam cimën Abaram. <sup>17</sup>Ku rin ë wët kënë yen aci yen ciët yo, yök wämäthakën. Rin bi yen a Raan kāk Nhialic yer puöu luöi kāk Nhialic yiic. Ku rin bi ye juaar tënë Nhialic ba adumuööm päl piny. <sup>18</sup>Aŋicku lɔn bi yen yo kony tē thöoc jɔŋrac yo awuöc yic, rin yeen aya, ëci jɔŋrac them ku guum apei.

### Jethu adit apei tënë Mothith

**3** Wek miëthakäi cī gam, wek kɔc cī Nhialic cɔl aya cimëndië, awiëc bāk Jethu raan cī Nhialic tuöc pinynhom ke ye Raandan dit apei kāk Nhialic, bi yo bën piöc kəpuöth wic Nhialic ke buk ke gam, tak apath. <sup>2</sup>Jethu ëci wët Nhialic yen tooc ye gam, ku looi piände ebën cimën wäär cī Mothith wët Nhialic gam, ku looi wäär cī Nhialic ye tääu kɔcken Itharel nhiim. <sup>3</sup>Raan mac cak nhom aye leec apei tënë kɔc ë manyë. Ku këya, Jethu aye leec apei tënë Mothith. <sup>4</sup>Mac ayi dhiëth ala raan ye cak nhom. Ku Nhialic yen ë cak kəriëec ebën. <sup>5</sup>Aŋicku ebën lɔn cī Mothith wët Nhialic gam ku looi apath wäär ye yen alony Nhialic, wäär cī Nhialic ye tääu kɔc Itharel nhiim. Ku lëk ke kāk bi röt looi aköldä. <sup>6</sup>Ku Raan cī lɔc ku dɔc aci wët Nhialic gam ku mɛc manyde apath rin ye yen Wënde. Ku yook kɔc cī gam yök aa many Nhialic. Yok aa manyde tē le yök tueŋ yo deet yopuöth, ku nhiicmku njoöthdan bi yo luök aköldä.

**Gamku wēt Jethu buk rëer ë duk**

7-8 Këya, Wëi Nhialic ë yook yöök,

“Täaükë wenhiim piny ku piɛŋkë wëtde ya aköl.

Ku duökkë wepuõth wel wei tënë yeen,

cimën wäär cī kɔc Itharel kepuõth wel wei tënë Nhialic

wäär them yen keek ror liëet,

wäär jiël kek pan Ijip.

9 Keek, aake cī kāk jāŋ göi cī Nhialic looi rin bi yen ke kony tiŋ,

ku ɲot ke cīi wēt Nhialic gam tən ruõõn thiärŋuan,

bik ciët kɔc ke them Nhialic, ku bik tē lir yen puõu thīn tiŋ.

10-11 Nawën ke riääk puõu tënë keek ku kuëëŋ ku lueel,

‘Kɔckä aaciï wëtdië ben piŋ,

ku aacä bi puõl bik tē ca guiër ke bi kek la rëer thīn ë duk,

dööt.’”

12 Miëthakäi, tietkë röt bi ciën raan tak këracc kamkun bi wët dhöl yic, ku wel yepuõu wei tënë Nhialic yen tōu kërriëcc ëbën yecin. 13 Yakë

röt wëët ë kamkun, ku deetkë wepuõth akölaköl, tē ɲot ye wek ye lëu bāk wepuõth dhuõk ciëen, cimën wët ye Nhialic lëk we bāk looi yaköl,

“Pälkë luɔi adumuõõm, bi ciën raan kuëeth jɔŋrac wei, ku dhël wët Jethu yic.” 14 Rin na mukku gamda apëi akölrriëcc ëbën, ku ɲõthku Nhialic

cimën wäär gem yok ye buk Jethu buõõth, ke yok aa tøk kek Jethu.

15 Yok aabi dhël Jethu buõõth yic tē gam yok kë yeku kueen cī göt athör theër wël Nhialic yic, ye lueel buk cīi kuec, ku buk cīi cit kɔc Itharel

wäär cī kën ë ye Nhialic lëk ke ror liëet dhöl yic.

16 ɲic kɔc ke cī wët Nhialic piŋ ku dhälkë yic? Alëu ba ɲic lɔn kɔckä aa wärkuan dit, kɔc Itharel wäär wet Mothith kenhiim wei læŋ yic pan

Ijip. 17 Ku keek kɔckä, cī Nhialic rac puõu tënë ruõõn thiärŋuan, aye këracc yen aa cik looi. Kɔckä aaci bën thou ku döŋ guäpken ror liëet.

18 Ku kë cī kek nhiim riel bik wët Nhialic cīi piŋ, yen aci Nhialic puõu bën riääk ku kueec, ku kuëëŋ bi kɔckä tē cī guiir bi kek la lõŋ thīn cīi

döt. 19 Këya, ayeku tiŋ lɔn aa këc Nhialic bën puõl bik ë tən dööt, rin këc kek wëtde gam.

**4** Adhielkë muk wenhiim lɔn tēpuõth wäär cī Nhialic thõn yo bi yok la lõŋ thīn ke ye, aɲot tiit yen yo thīn. Këya acin raan kuec bi lõŋ

wäär cī thõn yo cīi yök. 2 Rin yok aaci Wët Puõth Yam piŋ cimenden. Ku keek aaci wët piŋ ku akëc ke kony, rin wäär piŋ kek ye aa këckë gam.

3 Ku yok kɔc cī gam, yok aa lõŋ cī Nhialic thõn yök, rin yok aaciï cit wärkuan dit wäär cī wët cī Nhialic thõn keek piŋ ku cik gam, go lueel

älä, “Këya, ʁen acī puʁu riääk ku kuëëŋ, ‘Lɔn kɔckä aaciī bī la tē bī kek la lɔŋ thīn.’” Ku lɔŋ ye Nhialic lueel ë tō thīn thëer wäär cī yen piny cak. <sup>4</sup>Rin ayeku yök aya athör thëer wël Nhialic yiic lɔn cī Nhialic lɔŋ luɔide yic aköl ye nīn dhorou, tēwäär cī yen nhial ku piny cak ku kāk tō nhial ëbën thöl. <sup>5-6</sup>Cīt lɔn cī Nhialic ye lueel, “Kɔckä aaciī bī la tēn lɔŋ.” Ku kɔc ke cī wēt kënë kaŋ piŋ aa kēc bēn la tēn lɔŋ rin cī kek wēt Nhialic dhöl yic. <sup>7</sup>Ku Nhialic ë cā aköl dēt looi. Ku ë yen akölē yen cī yen jam tēnē Debit wäthëer, cīt tē cī ye gät thīn athör thëer wël Nhialic, “Na piŋkē Nhialic röl ke cöt akölē, ke duökkē kuc cīmēn kɔc thëer.”

<sup>8</sup>Këya, duökkē tak lɔn cī wärkuan dīt, pan wäär cī Nhialic lueel bī kek la lɔŋ thīn dööt wäär ʁeet kek pan kanaan, kek bānyden Jocua wäär cī bēn a bēny Mothith cök. Duökkē tak, rin na ke cī pan cī Nhialic luōi ke dööt, ŋuöt akēc Nhialic ben lueel lɔn le yen aköl dēt bī kɔc cī wētde gam, bī kek la lɔŋ thīn ke ye, bēn. <sup>9</sup>Ee yic! Aŋicku lɔn ŋot bī yen la lɔŋ tēnē kɔc wēt Nhialic gam, cīmēn wäär cī Nhialic lɔŋ nīn kadātem cök wäär cek yen pinynhom. <sup>10</sup>Rin raan cī lɔŋ cī Nhialic thɔn yök, abī lɔŋ luɔide yic, cīmēn wäär cī Nhialic lɔŋ luɔide yic. <sup>11</sup>Këya, luuiku apath buk lɔŋ kënë yök, rin bī ciēn raan tök kamkua mär, cīmēn wäär cī wärkuan dīt kuc bik wēt cīi gam. <sup>12</sup>Wēt Nhialic arëër thīn ku alui piërda yic akölaköl. Wētde aril apeī, ee lööny kɔc puöth bī kápath ku käreec tō yopuöth tek thook. Acīt tɔŋ moth dhie riŋ teem bī yom la tek thook. <sup>13</sup>Acīn kē lēu bī thiaan tēnē Nhialic. Aŋic kē cī cak ku adaai kēriëec ëbën. Acīn kē lēu raan bī thiaan tēnē ye. Ku ë yen aye bēn lēk käreec.

### Jethu yen ë raandīt apeī kāk Nhialic

<sup>14</sup>Jethu Wēn Nhialic, yen ë raandīt apeī kāk Nhialic rëër kek Nhialic. Na ye këya, ke ʁo muk gamda apath. <sup>15</sup>Raandan dīt apeī kāk Nhialic acie yepuöu ë pēn ʁo cök alɔn ye ʁok luui käreec. Rin yeen ëcī jɔŋrac them aya ë dhöl juēc yiic cīmēnda. Ku acīn awuöc cī looi. <sup>16</sup>Lokku tēnē Nhialic cī nyuc thönyden dhëëŋ nhom ke ʁo cīi riöc. Tëën, ʁok aabī lier puöu yök, ku yökku dhëŋ bī ʁo kony tē wic ʁok kuɔny.

**5** Raandīt kāk Nhialic thëer ë ye kacke kuany bī ya jam tēnē Nhialic rin kɔc ëbën. Ku nēk kãŋ bī yen ke Nhialic door rin bī Nhialic kākken rɛc yekē looi päl piny. <sup>2</sup>Ku yeen aya, ee ye luui käreec akölaköl rin ye yen raan. Ku këya, alēu bī kɔc cī mää, ku kɔc cīn kē ŋickē ŋuään. <sup>3</sup>Ku rin cīi bēny ye riel apeī wēt Nhialic yic, ee kãŋ nök bī yen ke Nhialic door rin käreec ye kacke looi, ku rin káraacke aya. <sup>4</sup>Acīn raandīt

4:3 Wk 95:11 4:4 Cäk 2:2 4:5 Wk 95:11 4:7 Wk 95:7-8 4:8 L.rou 31:7; Joc 22:4 4:10 Cäk 2:2  
5:3 Leb 9:7 5:4 B.bei 28:1

kāk Nhialic rot kuany ë rot. Ee Nhialic ë rot yen ë raanden cī tak lōc cīmēn wäär lōc yen Aron.

<sup>5</sup>Këya, Bānyda raan cī lōc ku dōc ëcīi bāāny ye yen raandit kāk Nhialic rum. Ee Nhialic yen ë lōc ye wäär lueel yen ye ëlä, “Yin ë Wëndië, Ya akölë, ŷen aci ya Wuur.” <sup>6</sup>Ku aci gōt athör theer wël Nhialic yic lōn cī Nhialic ye lueel aya aköldët ëlä, “Yin aci lōc ba ya raan kāk Nhialic akölriëc cīmēn Melkidhedek.”

<sup>7</sup>Wäär ciēŷ Jethu pinynhom, ëcī rōök apei tēnë Nhialic, ku cōl Nhialic ke dhiau, Nhialic lëu ye bī kony thou yic. Ku yen aci Nhialic bēn kony rin yen Jethu yök ke loi këden wic. <sup>8</sup>Na cōk alōn ye Jethu Wēn Nhialic, ke yeen aci dhiel bēn gum bī kë wic Nhialic yen bī looi dhiel ŷic bī wēt. <sup>9</sup>Ku wēn cī yen jāl a raan la cōk, cī luide lëu, aci bēn aa raan ye pīr akölriëc ëbēn yök thīn ë kōc wētde piŷ ku loikë. <sup>10</sup>Ku ë yen kë cī Nhialic ye bēn nyuōth kōc ëbēn, lōn ye Jethu Raandit apei ë kāk Nhialic akölriëc ëbēn cīmēn Melkidhedek.

<sup>11</sup>Ala wël kōk ril kek ba lëk we ë wëlkä cōk, ku aril yic ba ke teet yiic rin wek aacit kōc la yīth adök, cīi kāŷ ye piŷ. <sup>12</sup>Na we cī wepuōth pāl piny, ŷuōt wek aa kōc kōk piōōc wēt Nhialic ëmēn, rin tēn gam wek ye bāk aa kōc cī gam aci mēc. Ku wek aaci dhuk ciēēn, arëk nadë ke wek aa wic kōc ben we piōōc wël tueŷ Nhialic wäär cāk kaŷ ŷic. Wek aacit mīth kor ŷot ke dhil muk ë ca, këc guō dīt bīk mīth mīith ril kōth. <sup>13</sup>Ku raan ŷot cit manh koor muk ë ca, aye nyooth lōn këc yen wēt Nhialic deet apath. Aŷot cit manh kuc këpath ku kërac. <sup>14</sup>Miēth ril kōu ee kēn kōc cī dīt, kōc cī rōt piōōc bīk kāpath ku käreec ŷic.

**6** Lokku tueŷ buk we piōōc wël bī we cōl aŷic kājuëc. Acä wic ba we piōōc kāk wäär wiëckë bāk ke ŷic bāk aa kōc cī gam. Acä wic ba ben lëk we bāk wepuōth dhuōk ciēēn rin adumuōōmkun ku bāk Nhialic gam. Käkka aa ŷiëckë ke theer. <sup>2</sup>Piōōc rin lōkwëi, ku piōōc bī cin tāāu kōc nhiim bī Wëi Nhialic löōny kōc gup. Ku jōl a piōōc bī Jethu kōcken cī thou ben jōt bei thou yic aköl le yen dhuk pinynhom, bī luk bēn looi kam kōc cī wētde gam, ku kōc cī jai wētde. Piōōc cit kēnë acie yen path bī ya dhuōk yic tēnë we akōlaköl. Kek aa kāk ye ke piōōc jōk. <sup>3</sup>Apath buk la tueŷ buk kājuëc kōk ŷic rin Jethu. Ku ë yen kë buk looi tē pël Nhialic ye.

<sup>4</sup>Rin aci rot lëu bī kōc cī jāl gamden yic cōl aa ben kepuōth dhuōk ciēēn. Keek aake cī yic kaŷ ŷic, ku ŷickë pīr yam cīk yök tēnë Raan cī lōc ku dōc, ku Wëi Nhialic. <sup>5</sup>Ee cīk ŷic lōn puōth wēt Nhialic, ku tiŷkë

5:4 B.bei 28:1 5:5 Wk 2:7 5:6 Wk 110:4 5:7 Mt 26:36-46; Mk 14:32-42; Lk 22:39-46  
5:12-13 1Kor 3:2

käk jāŋ gōi. <sup>6</sup>Ku kāk loikē ke emēn, aa ben kek Wēn Nhialic piäät tim cī rīiu kōu, ku rækē guōp kɔc nhīim ebēn.

<sup>7-8</sup>Raan cī wēt Nhialic gam piānde ebēn athōŋ ke dom dhie la tiɔɔm path, ee piū yiōi na tueny deŋ ku pur ke lok apath. Raan cīt kēnē aye Nhialic puōu miet tēnē ye, ku kony bī pīr akōlriēec ebēn yōk. Ku dom ye puur ku la kuɔth cil thīn, acīt raan ye lēk wēt Nhialic ku cīi piŋ. Raan cīt kēnē aye Nhialic tēm awuōcdīt bī yen rēer pan mac akōlriēec.

<sup>9</sup>Na cɔk alɔn cī ɣen we gāt athör kēnē wek mātħkiē, ka ŋiec wek aa ŋot we la tueŋ apath. Wek aa ŋot we kuany dhēl pīr akōlriēec ebēn yic. <sup>10</sup>Nhialic acie mītil nadē ke mār nom kăpuɔth cāk looi, ku tē nhieer wek ye thīn cāk nyuōth ye kāk cāk looi yiic, ku kāk ŋot ke luikē ke emēn rin kacke. <sup>11</sup>Ku wek aa wīcku bī ŋek la tueŋ ke loi kăpath cīt kăpuɔth thēer akōlakōl yet akōldä. Rin bī kē ŋōthkē yenhom tiēŋ. <sup>12</sup>Awīcku bāk rōt cīi dak luoi kăpath yiic. Awīcku bāk ciēt kɔc wäär cī gam, yet tē yōk kek kăpuɔth wäär cī Nhialic thōn ke.

### Athōn Nhialic ē yic

<sup>13</sup>Wäär lueel Nhialic ye lɔn bī yen Abaram gām mīth juēc, acī rot kuēēŋ rin cīn yen raan dēt dīt tēnē yen bī ye kuēēŋ ē rienke. <sup>14</sup>Ku lueel, “Yīn alēk yic! Yīn aba dɔc ku gām yī mīth.” <sup>15</sup>Go Abaram tīit ku ŋōōth kē cī Nhialic rot kuēēŋ yet tē cī kēnē yenhom bēn tiēŋ. <sup>16</sup>Tē kuēēŋ raan, ee kuēēŋ rin raandīt tēnē ye. Ku kuēēŋde aye gam. <sup>17</sup>Ku ē wīc Nhialic bī cɔl ala gei, lɔn bī yen kē cī thōn guōt nom ke cīi war yic. Ku kuēēŋ bī wētde dhiel a yic. <sup>18</sup>Nhialic acī ɣo lēk kăŋ karou, athōn ku kuēēŋ, lɔn bī yen wēlke muk nhīim. Ku rin ē kăkkä karou, aŋicku lɔn ye athōn yic. Keek aacie rōt ye waar ku Nhialic acie lueth ye lueel. Nhialic acī kēnē lueel bī ɣo dæet puōth apeī lɔn bī ŋāthda tēnē Nhialic yenhom tiēŋ. <sup>19</sup>Ku rin ŋāthda tēnē Jethu yen aye ɣok thōny Nhialic dōōt, tēwäär cī Jethu la thīn yonhīim tueŋ bī la rōök ku lēŋ Nhialic ē rienkua.

<sup>20</sup>Ŋōth ye ɣok Nhialic ŋōōth kăpuɔth cī thōn ɣo rin wēikua yen ē ɣo muk puōth, rin Jethu acī ɣo wat nhīim pan Nhialic. Ku yeen acī jāl a raandīt apeī kāk Nhialic cimēn Melkidhedek, akōlriēec.

### Melkidhedek

**7** Melkidhedek ē ye bēnydīt gen cɔl Thalam, ku yen aya ē ye raandīt apeī kāk Nhialic Madħɔl. Naɣɔn akāl tōk ke piŋ lɔn cī Abaram la dhuk tōŋ yic ke cī tōŋ bāny wuōt kaŋuan cop. <sup>2</sup>Go Abaram Melkidhedek juēr tōŋ thiāär kāk cī ke la peec tōŋ yic. Melkidhedek, wētde yic, “Bēny la cök.” Ku ē ye bēny dōōr aya. Cimēn rin genden cɔl Thalam, wētde



yic, ee “Döör.” <sup>3</sup>Acin wun ku man ku kuat. Ku tən jɔk piërde rot thïn ku le thök aciï ñic. Arëër ke ye raan kāk Nhialic akölriëec cīmēn Wēn Nhialic.

<sup>4</sup>Jalkē tñj tē diit Melkidhedek thïn! Agut Abaram guöp, raandit wärkuan dīt theer, aci tōñ thiäär kākken wäär cik la peec tōñ yic, juër ye. <sup>5</sup>Alëu raan bi gam lɔn ye kē cī Abaram ajuër gām Melkidhedek yic, tēn ye Melkidhedek raan Lebī, kuat Abaram kek kɔc kāk Nhialic ē kɔc Itharel wäär tōk thiäär yic juaar tēnē kacken cīt lōñ Mothith. <sup>6</sup>Ku yen Melkidhedek acie raan kuat Lebī, ku aca ajuër bēn lööm tēnē Abaram ku cuët piū. Ku Abaram acā athōn Nhialic yök. <sup>7</sup>Ku añicku aya lɔn raan yen kɔc dɔc, awār raan bēn tēnē ye bi bēn dɔc. <sup>8</sup>Ku dēt aya, kɔc kāk Nhialic wäär ajuër kuany, aake ye kɔc ē path, aaci bēn thou cīmēn bi yök thou, ku aye athör theer wēl Nhialic lēk yo lɔn Melkidhedek apir. <sup>9</sup>Alëu buk lueel lɔn ye Melkidhedek raandit apeï kāk Nhialic tēnē kɔc Lebī, kɔc kāk Nhialic. Rin Abaram wundit kuat Lebī, yen aci tōñ thiäär kāk wäär cik la peec tōñ yic juër Melkidhedek. <sup>10</sup>Këya, alëu bi lueel lɔn kɔc Lebī aaci tōñ thiäär juër Melkidhedek aya, rin ye kek kɔc riem Abaram.

<sup>11</sup>Na lëu kɔc Lebī, kɔc kāk Nhialic bik yo cɔl aala cök, ñuöt acin dēt ben raan dēt kāk Nhialic cīmēn Melkidhedek bēn, raan ciï cīt Aron, raandit kāk Nhialic wäär ē kuat Lebī. Ku kɔc Lebī, kɔc kāk Nhialic aake buθh lōñ Mothith yic. <sup>12</sup>Ku aa kēc yo bēn cɔl aala cök. Ku këya, acie raan dēt kāk Nhialic yen wicku ē rot, yök aa wic lōñ dēt yam aya. <sup>13</sup>Jethu Bānyda, raan jīem yök rienke emēn, ee cie raan dhiēnh Lebī. Ku acin raan tōñ kuatde cī kañ a raan kāk Nhialic, ee Nhialic door yik nhom. <sup>14</sup>Añicku lɔn Bānyda Jethu ē raan dhiēnh Juda. Ku akēc Mothith puöl bi kɔc dhiēnh Juda ya kɔc kāk Nhialic.

### Raan dēt kāk Nhialic cīt Melkidhedek

<sup>15</sup>Acī jāl la gei apeï emēn, tē le raandit dēt kāk Nhialic cīt Melkidhedek tuöl. <sup>16</sup>Raan kēc aa raandit kāk Nhialic cīt lōñ ciεη kɔc pinynhom, aci ya raandit kāk Nhialic cīn kē bi rielden pir akölriëec ebēn kañ rac. <sup>17</sup>Rin aye athör theer wēl Nhialic lueel elä ē rienke, “Yin abi ya raan kāk Nhialic akölriëec ebēn cīmēn Melkidhedek.” <sup>18</sup>Ku lōñ theer wäär aci puöl aciï ril. Acie kɔc ē kony. <sup>19</sup>Rin lōñ Mothith acie kɔc cɔl aala cök. Ke emēn yök aala lōñ yam yo cɔl añθh lɔn bi yök thiök kek Nhialic.

<sup>20</sup>Ku dēt, Nhialic eci kuëñj aya këde. Ku acin kɔc kök cī ya kɔc kāk Nhialic cī yen kuëñj këden. <sup>21</sup>Ku Jethu aci ya raandit kāk Nhialic apeï

rin cī Nhialic kuëñj wëtde wäär lueel yen ye ëlä, “Yen acī kuëñj ku acā bī waar yic. Yin ë bëny akölriëc ëbën.” <sup>22</sup>Rin ë kuëñj kënë yen acī yok ye ñic lɔn lõj dõr ë yam cī Nhialic looi ë Jethu, ya kēpath.

<sup>23</sup>Ku dët cīi kek thõj akin. Kɔc kāk Nhialic thær aake ye juëc, rin na cī raandit kāk Nhialic thou, ke raan dët ala nyiende. <sup>24</sup>Ku Jethu apir akölriëc ëbën, luɔiden ë yen raandit kāk Nhialic acie rot ye waar. <sup>25</sup>Jethu ala riel dīt bī kɔc buoth dhölde yic kony ëbën, kɔc wic ye bīk la tënë Nhialic. Rin ë rëer ke lāñ Nhialic ë rienken.

<sup>26</sup>Jethu yen ë raandit kāk Nhialic cī kakkua lëu. Arëer ke dhëñj Nhialic, acin guöp adumuõm, ku yen acī Nhialic tēk bei tënë kɔc kærɛc looi, ku tēu kāk cī cak nhīim ëbën nhial. <sup>27</sup>Yen acīi thõj kek kɔc dīt kāk Nhialic wäär yök nõk ruõn thok ëbën, rin bī adumuõmken ku adumuõm kacken päl piny. Jethu acīi thõj ke ke. Acī rot juaar arak tøk wäär thou yen tim cī rīiu kōu rin adumuõm kɔc ëbën. <sup>28</sup>Këya, alëuku buk ñic lɔn kɔc kāk Nhialic wäär ë luui dhöl lõj Mothith aake cīi la cök. Ku athön Nhialic cī yen kuëñj wäär lõj Mothith ëbën cök, acī Wënde looi bī ya raan la cök akölriëc ëbën.


### Jethu yen ee raandan dīt kāk Nhialic

**8** Wët ril yen wicku buk lëk we, ee lɔn le yok raandit kāk Nhialic cī nyuc lõj cuëc thõny Nhialic Madhəl nhom nhial. <sup>2</sup>Jethu alui ke cīt raandit kāk Nhialic, tē rëer dhëñj Nhialic thīn ayic tēn ë looi Bëny ke cie raan.

<sup>3</sup>Ku cīt lɔn ye raandit kāk Nhialic kuany bī kāñ aa juaar ku nēk yök tënë Nhialic, ke raandan dīt kāk Nhialic aya adhīl la kē ye juër Nhialic. <sup>4</sup>Ku na Jethu rëer pinyinhom, ñuõt akëc kañ a raan kāk Nhialic, rin kɔc kāk Nhialic, ke ye Nhialic nāk yök cīt tē ye lõj Mothith luël ye aake tō thīn. <sup>5</sup>Ku luɔi yekë looi kek kɔc kāk Nhialic kã, ee ye kīit yen ë ye kek kāk ye looi nhial tē rëer dhëñj Nhialic thīn kiëët. Ku yen athõj kek luɔi Mothith. Rin wäär wic yen ye bī duël looi ëcī Nhialic lëk ye ëlä, “Adhīl ñic lɔn yīn adhīl kāñ looi ëbën cīt tēden wäär ca nyuõth yī ë gɔt nhom.” <sup>6</sup>Ku Jethu ëmën, raandit kāk Nhialic acī gām riöldit yen luui wār rielden. Rin dõr yam cī looi kam Nhialic kek kacke añuëñ apeī, rin dõr yam aa rëer kãpuõth cī Nhialic thõn yō thīn.

<sup>7</sup>Na lõj dõr tuen wäär la cök ñuõt acin kē cī Nhialic lõj dët ben wic. <sup>8</sup>Rin ëcī Nhialic yök lɔn lõj dõr tuen ëcīi path tënë kacke, go lueel ëlä,

“Nīn aacī thiök, lueel Bëny,  
tē bī yen lõj dõr yam looi kek kɔc Itharel ku kɔc Juda.



*Acīi bī ciēt dōör tueŋ wäär ca looi kek wärken dīt (8:9)*

<sup>9</sup> Acīi bī ciēt dōör tueŋ wäär ca looi kek wärken dīt aköl  
wäär nyeei yen keek pan Ijip.

Aake kēc lõŋ dōör ca looi ke keek muk nhom apath,  
guɔ kuc ē keek, lueel Nhialic.

<sup>10</sup> Ēmən, dōör ba looi kek kɔc Itharel nīn bī bēn cök akīn,  
lueel Bēny.

Yen abi lõŋkiē tāäu kenhīim ku kepuōth.

Yen abi ya Nhialicden ku yekē kackiē.

<sup>11</sup> Acīn raan ē kamken bī miēthakēn bēn piōc,  
nadē ke lēk kɔcken ē baai, ‘Ŋic Bēny.’

Rin keek aabā ŋic ēbēn, meth ku raan dīt.

<sup>12</sup> Yen abā adumuōmken pāl piny, ku cā kāracken bēn kuēc  
nhīim.”

<sup>13</sup> Jalkē tiŋ ěmən, wēn lueel Nhialic yen ka bī lõŋ dōör yam looi, ee ŋic  
lɔn cīi lõŋ dōör theer path, ku aŋicku aya, na cī kēdāŋ riāāk apeī ka cīn  
kē kuny kɔc.

### **Tē ye Nhialic duɔr thīn wätheer**

**9** Lõŋ dōör tueŋ ē la tēden ye Nhialic duɔr thīn, ku tē ye Nhialic door  
thīn ěcī looi aya pinyhom tēn. Kɔc kāk Nhialic Lebī aake ye Nhialic  
door yōn cī puōl bī ke Nhialic ya door thīn, ku duēl aake tō pinyhom ē  
tēn. <sup>2</sup>Duēl ye Nhialic door thīn ē ye looi ke ye yic rou. Yōn ye kaŋ yök tē

le kɔc duël yic, ee cɔl Tëyaath ë Nhialic. Ku lɔŋ kënë, many adök ë dëp ë ye tōöu thīn, ku agen ye ayum cī juër Nhialic tääu yenhom aya. <sup>3</sup>Ku yön tō alanh cī duël tek yic kōu, ee cɔl yön Yaath apei ë Nhialic. <sup>4</sup>Ku ë yön kënë yen arëer agen thīn, agen cī tɔc nhom milāj tɔc ye raan kāk Nhialic Lebī adōŋ ŋīr cī took tōöu yenhom, ku ë yön kënë aya yen arëer rōŋdīt tet, ye cɔl Rōŋ Lōŋ ë dōör thīn. Ku yen arëer tōny mana thīn, ku wai Aron ë ye rëer thīn aya. Wai kënë ëcī Nhialic cɔl acil kōu ayör ku looi yōök cɔk alɔn ee yen tim thëer cī riel. Ku aleel dīt tet karou cī lööŋ Nhialic kathiäär göt thīn, aa tō thīn aya. <sup>5</sup>Ku ë rōŋ dōör kënë nhom, atuuc nhial karou cī kiëët, cɔl Kerubin ë diik aake tō thīn. Ku keek aake ye Nhialic nyuɔth. Aake la kōth wuök dīt rök kum nhom tēn yen ye cɔl, “Pël Piny Kārec.” Rin tēn, arak tōk ruōön yic, raan dīt kāk Nhialic ë ye kɔc wiëth rim kē cī nök tēnë Nhialic rin be adumuōömke ku adumuōöm kacke päl piny. Ku ëmën acā wic ba kājuëc kōk ŋiæc rin ee kënë teet.

<sup>6</sup>Këya, kɔc kāk Nhialic aake ye Nhialic door cīt tē cī guiër ye. Aake ye la yön tueŋ bī kek Nhialic aa la door thīn. <sup>7</sup>Ku yön yaath Nhialic, ee raandīt kāk Nhialic yen ë la thīn ë rot, bī la rōök thīn arak tōk ruōön tōk yic. Tē le yen yöt, ee riem weŋ cī juër Nhialic muk bī la wiëth yöt, bī Nhialic awäcke ku awuōöc ye kacke looi ke kuckë päl piny. <sup>8</sup>Aye Wëi Nhialic nyuɔth yo ë kënë yic lɔn nadë ke dhël la yön yaath Nhialic ë yic, aŋot këc ŋaany thok cīt lɔn ŋot kɔc lui dhël thëer. <sup>9</sup>Kë lëuku buk deet ë kënë yic aya ëmën, ee lɔn nadë ke riem weŋ cī juër Nhialic ye wiëth kɔc, aacie kɔc ë Nhialic door ye looi bīk puōth la cök. <sup>10</sup>Käkkä ëbën aa kāk löŋ thëer, löŋ ye kāŋ nök ku cuet ke ë path. Ku kājuëc kōk ye looi bī awuōöc laak wei, aa kɔc gup path ayeer kek aaye lɔök. Käkkä aa lööŋ ke rëer thīn thëer cīn kē yekë kony yet tē bī Nhialic dhël yam, dhël adumuōöm nyaai kɔc puōth guiir.

### Lōŋ yam cī Jethu thany ë riemde

<sup>11</sup>Jethu acī ya raan dīt kāk Nhialic. Kājuëc path cī bën pinyhom rin cī yen la duël dīt la cök ë Nhialic yic, duël cīi loi kɔc cīn pinyhom ë tēn. <sup>12</sup>Wäär le Jethu duël yic, ëcī la tē dhëŋ apei arak tōk bī rëer thīn akölriëc ëbën. Ku wäär le yen ë tēn acie riem thök ayī riem weŋ yen cī la wiëth duël yic. Ee riemde yen ëcī juër Nhialic rienkua bī yo luök akölriëc ëbën alanden. <sup>13</sup>Wäthëer kɔc kāk Nhialic aake ye riem thök ku riem muɔr lööm bī kek kɔc wiëth, rin bī awäcken päl piny. Ku keek aya aake ye manh weŋ ë dɔu nök ku nyopkë abī ya col. Ku liörkë ë piu ku

**9:2** B.bei 26:1-30; 25:31-40, 23-30 **9:3** B.bei 26:31-33 **9:4** B.bei 30:1-6; 25:10-16; 16:33; Kn 17:8-10; B.bei 25:16; L.rou 10:3-5 **9:5** B.bei 25:18-22 **9:6** Kn 18:2-6 **9:7** Leb 16:2-34  
**9:13** Leb 16:15-16; Kn 19:9, 17-19

wiḥ kek kɔc la gup adumuḥḥm rin bī adumuḥḥmken wuḥḥny wei. <sup>14</sup>Na ye këya, bī riem Raan cī lɔc ku dɔc yiëndë, cī adumuḥḥmkua bī laak wei yopuḥḥ, ku buk lëu buk Nhialic pīr ya luḥḥi? Ku riel Wëi Nhialic yen acī Raan cī lɔc ku dɔc rot juër Nhialic ë rienkua. Këya, ajuër la cök cīn diu.

<sup>15</sup>Ku rin ë wët kënë yen aye Jethu raan yen loi lōḥ dḥḥr yam, rin bī kɔc wäär cī Nhialic thōn pīr akölriëc ëbën, pīr yök. Kënë abī rot lëu rin cī Jethu thou bī kɔc waar käreç yiic, kāk wäär cī looi lōḥ dḥḥr tueḥ yic. <sup>16</sup>Kënë athōḥ kek raan kärke cīçen tē bī lōk tēk ke tē le yen thou. Ee kë bī ḥek ë miëthke yiic lōk lööm tē le yen thou than piny. <sup>17</sup>Ku acīn raan kēdāḥ guḥ nyaai tē ḥot pīir yen. Ku na le thou ke kāwën cī dōḥ aaye ḥek kë cī tēk ye jāl nyaai. <sup>18</sup>Agut lōḥ dḥḥr theer aya, awīc bī kēdāḥ kaḥ nōk bī riem kuër bī tē door Nhialic thīn jāl la cök. <sup>19</sup>Mothith ë ye kɔc kaḥ lēk lööḥ Nhialic ëbën. Ku jɔl riem miöör ku thök cī nōk liäap ë piu, ku wiḥ athör cī lööḥ gōt thīn ku kɔc. <sup>20</sup>Ku lueel, “Kënë ë riem lōḥ dḥḥr, lōḥ cī Nhialic lēk we bāk muk apath.” <sup>21</sup>Ku Mothith ë ye duël ku kāyaath ye tḥḥu thīn wiëth riem aya. <sup>22</sup>Këya, cīmën lōḥ theer, ḥök aake ye nōk bī riemden lööm bī kɔc kɔc, ku na cīn kë nāk bī riem kuër ka adumuḥḥm aacīi pël piny.

<sup>23</sup>Duël ye Nhialic door thīn ku kōk tō thīn ëbën, aake ye kāk ye duër ë yic tō pan Nhialic kiëët, rin ye käreç tō kɔc gup wuḥḥny wei rin ḥök ye nōk ë path. Ku luḥi ë yic nhial tënë Nhialic, adhīl wīc ajuër la cök, <sup>24</sup>Këya, Raan cī lɔc ku dɔc akēc la duël ye Nhialic door thīn yic, duël looi raan pinyhom ë tēn këçit kīit ye ke käreç wuḥḥny wei kɔc gup rim ë ḥök. Yeen nhom guḥp acī la pan Nhialic, ku arëër thīn ke lōḥ Nhialic ëmën rienkua. <sup>25</sup>Raandit kāk Nhialic kuat Lebī ë ye duël la wiëth riem kë cī nōk cie riemde arak tōk ruḥḥn thok ëbën. Ku Jethu akēc rot juaar arak juēc, acī rot gam arak tōk giliḥ. <sup>26</sup>Ku ëmën acī bën arak tōk çit tē cī Nhialic ye guīer thīn bī rot bën juër Nhialic bā adumuḥḥm nyaai. <sup>27</sup>Cīmën ye raan thou arak tōk ku ḥëth luk yic arak tōk Nhialic nhom, <sup>28</sup>Jethu acī gam bī thou arak tōk bī adumuḥḥm kɔc ëbën nyaai. Ku abī ben dhuk ku acīi bī bën thou rin adumuḥḥm, ku ë rin bī yen kɔc ḥōth ye bën luök.

**10** Lōḥ theer Mothith, ee kīit yen ë ye kāpuḥḥ bī rōt looi aköldä kiëët. Ee cīi thōḥ kek kāpuḥḥ cī bën kek Jethu raan cī lɔc ku dɔc. Kāk ke ye nāk Nhialic ruḥḥn ëbën çit tēn lōḥ theer, aake cie kɔc ke ye Nhialic door cɔl aala cök. <sup>2</sup>Na kāk ke ye nāk Nhialic kɔc cɔl aala cök, ḥuḥt kɔc akēc la tueḥ ke ye kāḥ nāk Nhialic. Rin ḥuḥt kākka aake

bä adumuḱḱm kɔc Nhialic door wuḱḱny wei arak tɔk, ku cīk ben ya tak lɔn le kek gup adumuḱḱm. <sup>3</sup>Ku keek aake ye kāk yekē nāk Nhialic ruḱḱn thok ēbēn, cɔl aa takkē lɔn le kek gup adumuḱḱm. <sup>4</sup>Rin aciī rim ḱḱk ku rim thök ye nök lēu bik adumuḱḱm wuḱḱny wei.

<sup>5</sup>Kēya, ēcī Raan cī lɔc ku dɔc lēk Nhialic wäär biī yen pinyhom ēlä, “Yīn aciī wīc kāk ye nök ku kāk ye juēr yīin, rin cī yīn ḱa gām guḱḱpdiēn bi juaar tēnē yīin.

<sup>6</sup>Yīn acie puḱu ye miet ḱḱk ye nāk yīin tēdē ke ye kāk ye juēr yīin bik adumuḱḱm nyaai.

<sup>7</sup>Ku luēel, ḱen akīn ba kē wīc looi Nhialic Madhɔl, cīmēn cī ye gōt rienkiē athör lōḱ theer yic.”

<sup>8</sup>Ēmēn, tāākē wepuḱḱth piny ku takkē wēt cī Jethu luēel tuēḱ ēlä, “Yīn aciī wīc, ku tēdē yīn acie puḱu ye miet tēnē kāk ye juaar, ku kāk ye nāk yi bik adumuḱḱm nyaai.” Acī luēel kēlä cɔk alɔn ye kāk ye juaar looi cīt tē ye lōḱ ye luēel thīn. <sup>9</sup>Ku luēel, “Yen akīn Nhialic Madhɔl, ba kē wīc ba looi, looi.” Kēya, Nhialic aci tēthēer ye ye duḱḱr thīn puḱl, ku wēen Raan cī lɔc ku dɔc thīn, bi riemde kuēr rin bi adumuḱḱm kɔc ēbēn nyaai. <sup>10</sup>Jethu raan cī lɔc ku dɔc aci kē wīc Nhialic tēnē ye bi looi, looi. Ku rin cī yen rot juaar arak tɔk theer, kākkuan rēc aci wuḱḱny wei ēbēn.

<sup>11</sup>Raan kāk Nhialic Itharel, aye kāḱ nök wāthēer akōlakōl bi yen Nhialic door. Ku aaye kāk tōḱ thōḱ juēr Nhialic arak juēc. Ku kāk ye ke juaarkā aake cie adumuḱḱm ye nyaai. <sup>12</sup>Ku Raan cī lɔc ku dɔc aci rot juaar arak tɔk rin adumuḱḱm, ajuēr cī ye bēn lēu bä awäckua nyaai akōlriēc ēbēn. <sup>13</sup>Ku ēmēn atīt yet tē bi Nhialic kɔc aterde guir ku dhuk ke yecök ciēn. <sup>14</sup>Ku ajuēr cī looi arak tɔk, aci kɔc cī adumuḱḱmken nyaai looi bik la cök akōlriēc.

<sup>15</sup>Ku Wēi Nhialic ē jam tēnē ḱo ē wēt kēnē aya. Acī luēel ēlä, <sup>16</sup>“Lōḱ dōḱr ba looi ke ke akīn nīn bi bēn cök, luēel Bēny. Yen abi lōḱḱkiē tāau kenhīim ku kepuḱḱth.” <sup>17</sup>Ku ben luēel, “Yen aciī adumuḱḱmken ku kārēc yekē ke looi ben kuēc nhīim.” <sup>18</sup>Wek paan ē ma, kārackua aci pāl piny papot. Na ye kēya, le dēt ḱot wīc ḱok bāny bik ḱḱk aa nök rin bi adumuḱḱmkua pāl piny?

### Bäk lok tēthiäk ke Nhialic

<sup>19</sup>Kēya miēthakāi, ḱok aci nhīim läau alanden buk la Yōn Yaath apei ē Nhialic tō nhial, rin cī Jethu rot juaar bi nök bi riemde kuēr. <sup>20</sup>Wäär thou yen tim cī rīiu kōu, aci kēn ḱo gēl buk cīi la Yōn Yaath apei ē Nhialic bēn rac. Ku jōt rot raḱ yic, ku ēmēn arēēr Yōn Yaath apei ē Nhialic ke lāḱ Nhialic rienkua. <sup>21</sup>Ku na cuk la raandīt kāk Nhialic yen



mac kɔc Nhialic, <sup>22</sup>cīt mēnē ye kakkua yith, lokku tē rēer Nhialic thīn thōnyde nhom ē puōn ɣer ku gam cīn yic diu. Lokku kek puōthkuan ɣer cīn yiic luɔi käreɔc rin cī ke lɔɔk riem Jethu. Ku rin cī ɣo muɔɔc nhīim bā adumuōmkua laak wei aya.

<sup>23</sup>Kēya, mukku kē cī thōn ɣo piān tōk ke ɣo cie puōth ē rou, rin aɲicku raan cī ɣo thōn ē wētde tieɲ nhom. <sup>24</sup>Takku tē bī ɣok ɣopuōth aa deet thīn, buk nhiēr ku luɔi path aa nyuɔɔth. <sup>25</sup>Dukku kē ye ɣok ɣonhīim mat ɣodhie pāl cimēn ye wāmāthkuan kōk ye looi. Lok tueɲ ɣo cīi dhōr ɣo deet ɣopuōth, buk rōt aa lēk buk aa bēn amat yic, aɲicku Akōl bēn Bēny acī thiōk.

<sup>26</sup>Acīn kāk ye nāk Nhialic lēu bī adumuōm pāl piny, tē ɲot le ɣok tueɲ ɣo loi käreɔc ke yic cī lēk ɣo. <sup>27</sup>Kēya, ɣok aa dhil tiit ɣo riōc rin akōl bēn Luɲdīt, ɣok kɔc cī wēt Nhialic dhōl yic, ɣok aabī tēm awuōc bī ɣok rēer pan mac akōlriēec ēbēn. <sup>28</sup>Aɲieckē, wāthēer tē kueec raan bī lōɲ Mothith cīi piɲ, ku ɣɔɔny kɔc karou ayī kɔc kadiāk, ka dhil ɣāth ē kɔcdīt nhīim, ku biōök aleel bī thou. <sup>29</sup>Jälkē thōɲɲ, na ye raan cī lōɲ Mothith dhōl yic tēm awuōc cīt kēnē, ke ya awuōc yīndē bī Nhialic tēm kɔc cī kuec wēt Wēnde? Acīt lɔn cī kek Jethu dhōl guōp, ku cuitkē, ku witkē piny ku kēckē yic. Ku acīt lɔn cī kek dōr cī Jethu looi riemde kamken yōɲɲ yic. Ku acīt lɔn cī kek Wēi Nhialic läät wēl rēc rem apei, cɔk alɔn kony yen ke. Kɔckā aabī dhiel tēm awuōc thiek apei. <sup>30</sup>Aɲicku yen raan cī ye lueel thēer ēlä, “Pieɲkē! Ee ɣen ala riel ba kāɲ guōr.” Ku aɲicku lɔn cī yen ye lueel aya ēlä, “Bēny abī kacke tēm awuōc.” <sup>31</sup>Kēya, abī rēēc alanden tē ye yen Nhialic pīr akōlriēec ēbēn yen tēm raan awuōc.

<sup>32</sup>Miēthakāi, takkē tēn ye wek rēer thīn wāthēer. Wäär cī wek wēt Jethu gam, wek aa dhiel gum ku wek aacī puōth bēn riel. Wek aakēc puōth bēn bath rin käreɔc cī we yök. <sup>33</sup>Wek aa we ye lat ku bui we aköldēt. Ku aköldēt, wek aa we ē kɔc kōk kony tē tiɲ wek ke ke baɲ cimēndun. <sup>34</sup>Wek aacī gum kek kɔc cī mac, ku wek aakēc puōth riäk tē wäär ye kakkun peec, rin ɲic wek yeen lɔn wek aabī kápath wār kakkā la yök pan Nhialic. Kápuōth cīn raan bī ke kaɲ nyaai tēnē we. <sup>35</sup>Duōkkē puōth bath bāk wēt Jethu wai wei, rin wek aabī ariōpdīt yök pan Nhialic. <sup>36</sup>Apath bāk wepuōth deet tē beɲ we, rin ke wek aacī kē wic Nhialic looi, ku yōkkē kē cī Nhialic thōn we.

<sup>37</sup>Rin aye athör thēer wēl Nhialic lēk ɣo ēlä, “Ee kaam thiin koor ku raan cī lueel ka bō acīi bī gāäu, abī guo bēn. <sup>38</sup>Ku kɔckiēn la cök aabī rēer gam yic, ku ɣen acīi puōu bī miēt tē cīi kek kepuōth bī deet.” <sup>39</sup>Ku ɣok aacīi cīt kɔc guo dhōr bīk mää, ku ɣok aala gam bī ɣook luōk.

10:22 Leb 8:30; Edhe 36:25 10:27 Ith 26:11 10:28 L.rou 17:6; 19:15 10:29 B.bei 24:8  
10:30 L.rou 32:35, 36 10:37-38 Yab 2:3-4

## Gam

**11** Gam yen ë ʏo cɔl aɲic kāk ɲǝthku ke bī röt looi. Ku yeen ë ʏo cɔl aɲic kāk cuk ye tiɲ.

<sup>2-3</sup>Ee gam yen aye ʏok ye ɲic lɔn ë cək Nhialic piny ku nhial kek kāk tǝ thīn ëbën wët lueel ë path. Ku kāk yeku ke tiɲ ëmën acīn kën cīī Nhialic lööm bī yen ke cak. Ku wäär le wärkuan dīt gam tënë Nhialic, yen acī Nhialic ke bën gam.

<sup>4</sup>Ku gam yen acī Abel Nhialic bën juër këpuɔth cī Nhialic bën nhiaar apei, wär kë cī Kain mënhe juaar tënë Nhialic. Ku gamde yen acī Nhialic puɔu bën miət tënë ye. Ku ɲic Nhialic lɔn ë yen raan la cök. Këya, kë cī Abel looi cī yen Nhialic gam apei aɲot yeku ʏök ʏopuɔth ke path ëmën tē tek ʏok ye, cək alɔn cī yen thou theer. <sup>5</sup>Ku raan dēt la gam ril cīt Abel aya, ee ye Enok. Gamde yen acī Nhialic ye bën jat nhial ke këc thou. Guäpde akëc bën ʏök rin cī Nhialic ye nyaai. Aye athör theer wël Nhialic lueel lɔn Enok ë ye Nhialic cɔl amit puɔu, wäär rëer yen pinynhom. <sup>6</sup>Acīn raan lëu ye bī Nhialic cɔl amit puɔu tē cīn yen gam. Rin raan bën tënë Nhialic adhil gam lɔn Nhialic atǝ thīn, ku ë kɔc ye thiëc gäm kë wickë.

<sup>7</sup>Ku gam yen acī Noa wët Nhialic bën piɲ, wäär lëk Nhialic ye ye lɔn bī aboordīt bën bī kɔc la gup adumuɔɔm bën tēm awuɔc. Go Noa wët Nhialic gam. Ku guerɲ riäi ka aboor këc bën bī yen kacke kony. Ku gamde akëc yen kërec ye kacken kök ke looi bën nhiaar. Ku Noa acī Nhialic bën cɔl ala cök rin gamde.

<sup>8</sup>Ku ee gam aya yen acɔl Abaram agam kë cī Nhialic lëk ye. Ku ler pan cī Nhialic lëk ye cək alɔn awën kuc Abaram ë pan kënë. Pan kënë yen ëcī Nhialic lueel lɔn bī yen ye gäm miëthke aköldä. <sup>9</sup>Ku gam yen acī Abaram bën cieɲ ke ya alei pan wäär cī Nhialic thön ye. Ku jɔl ɲǝth lɔn bī Nhialic piny kënë gäm miëthke aköldä. Ku jɔl cieɲ duël yiic. Ku lök Ithäk kek Jakob cieɲ thīn aya, kɔc wäär cī Nhialic thön lɔn bī yen piny kënë yiëk ke. <sup>10</sup>Abaram acī rëer ë pan kënë ke tit gen cī Nhialic buth, yen cī Nhialic thön ye cīī cīt duël.

<sup>11</sup>Ku ë gam cī Abaram Nhialic gam yen ë dhiëeth yen meth cək alɔn wäär cī yen dhiɔp apei. Ku tieɲde Thara ke cīī dhiëth. Acī ɲǝth lɔn bī Nhialic athönde tieɲ nom. <sup>12</sup>Na cək alɔn awën cī Abaram dhiɔp apei, bī raan ëbën ɲic lɔn cīī yen bī ben dhiëth, ke yeen acī bën a wundīt kɔc juëc apei cīt liëet, ku kuël nhial cie kueen.

<sup>13</sup>Köckä ëbën aacī gamden muk agut tē thou kek. Keek aake këc kāk cī Nhialic thön ke ʏök. Ku aake yekë tiɲ tēmec, ku gamkë ke ke mit


11:3 Cäk 1:1; Wk 33:6, 9; Jn 1:3 11:4 Cäk 4:3-10 11:5 Cäk 5:21-24 11:7 Cäk 6:13-22

11:8 Cäk 12:1-5 11:9 Cäk 35:27 11:11 Cäk 18:11-14; 21:2 11:12 Cäk 15:5; 22:17; 32:12

11:13 Cäk 23:4; 1Lëk 29:15; Wk 39:12



*Ku gam yen ěcī Abaram  
rot guiir bī wëndē Ithäk  
nōk wäär them Nhialic ye  
(11:17)*



puōth. Ku ě yekē lĕk kōc lōn aa rĕēr kecīt jōōl pinynhom ě tĕn, ke bī ber tĕ cī lĕk ke. <sup>14</sup>Alĕuku buk ŋic ěmĕn lōn kōc jam kĕlā, aaye kĕ nyuōoth lōn wic kek pan bī ya panden. <sup>15</sup>Na yekē tak lōn ye pan cĭk nyāāj wei panden, ŋuōt aaci dhuk thĭn. <sup>16</sup>Ku acĭk wic kepuōth apei bĭk yet pan path, pan tō nhial. Ku Nhialic acie guōp ye yār tĕ cōol ye, ke Nhialicden. Ku kĕya, aci gen path guiir tĕnĕ ke.

<sup>17-18</sup>Ku gam yen ěcī Abaram rot guiir bī wĕnde Ithäk nōk wäär them Nhialic ye. Yen Abaram raan cā athōn Nhialic yōk, ee wic bī manhden tōŋ tō yenhom nōk, cōk alōn cī Nhialic ye lueel tĕnĕ ye lōn ě Ithäk yen abī yĭn mĭth ca thōn yī yōk tĕnĕ ye. <sup>19</sup>Acī Abaram tak lōn bī Nhialic Ithäk jōt akōldā. Ku kĕya, Abaram aci Ithäk yōk ke cĭt raan cī Nhialic cōl aben pĭr.

<sup>20</sup>Ku gam yen aci Ithäk Jakop ku Ethau thōn dōc Nhialic rin kāk bĭk yōk akōldā.

<sup>21</sup>Ku gam yen aci Jakop wĕēt wĕnde Jothep bĕn dōc wäär cī yen thiōk ke thou. Ke kāac ke cī yenhom guōt waiden ě yen piny thany, ku rōōk Nhialic. <sup>22</sup>Ku gam yen aci Jothep ye ŋic wäär cī thuōnde thiōk lōn bī kōc Itharel jāl pan Ijip. Ku lĕk ke bĭk yuōmke cĭī nyiĕēŋ pan Ijip akōldā le kek jāl.

<sup>23</sup>Ku gam yen aci kōc ke dhiĕth Mothith ye bĕn thiaan pĕi kadiäk wäär cī ye dhiĕĕth. Ee cĭk tĭŋ ke ye manh path apei. Ku ke aake kĕc riōōc wĕt kĕc kek lōŋ bĕnyāknhom pan Ijip theek.

11:13 Cäk 23:4; 1Lĕk 29:15; Wk 39:12 11:17-18 Cäk 22:1-14; Cäk 21:12 11:20 Cäk 27:27-29, 39-40  
11:21 Cäk 47:31; 48:20 11:22 Cäk 50:24-25; B.bei 13:19 11:23 B.bei 2:2; 1:22

<sup>24</sup>Ku gam yen aci Mothith bēn kuc wäär cī yen dīt bī cīi ye cɔl ke manh nyan bēnyaknhom. <sup>25</sup>Na cī wīc bī puū ya miēt, miēt ē puū cie ceŋ ē bēn luɔi käreɔc yiic, ŋuōt aci rēer pan bēnyaknhom. Ku aci bēn nhiaar bī rēer kek kacke bī gum ke ke. <sup>26</sup>Acī yök yepuū lɔn bī yen kápath yök thīn tē guum yen kuɔc ciɛɛŋ rin ē kacke. Cīmēn wäär cī Raan cī lɔc ku dɔc gum, tēn tē bī yen kájuec path yök pan Ijip. Rin ē ŋōth ariöp bī yök aköldä.

<sup>27</sup>Ku gam yen aci yen bēn jäl pan Ijip ke cīi riōc riääk puū bēnyaknhom. Ku le tuenŋ ke gum ciēt cī Nhialic cie tiŋ, tiŋ. <sup>28</sup>Ku gam yen aci Mothith wēt Nhialic bēn piŋ. Ku guir tē bī kɔc Itharel jiēl thīn pan Ijip. Ku lēk ke bīk thök nök. Ku rōthkē yōōtken thook riem, rin na la atuny Nhialic bī mīth rōör ke kɔŋ dhiēeth bēn nök, ke cīi mīth rōör kai kɔc Itharel met thīn.

<sup>29</sup>Ku gam yen aci kɔc Itharel Wār Lual bēn teem ke ciēt cī döu. Nawēn jɔl wīc kɔc Ijip bīk ke buōth, ke wār ben thiän ku moukē.

<sup>30</sup>Ku gam yen aci kɔc Itharel päny gen Jeriko bēn gööt nīn kadhrou abi wīik.

<sup>31</sup>Ku gam yen akēc adējōŋ cɔl Rayäp bēn nök kek kɔc gen Jeriko wäär nēk ke, rin cī kek jai ē Nhialic. Rin yen Rayäp nhom ē cä anēm kɔc Itharel lor ku nyuuc ke paande.

<sup>32</sup>Kɔc kök juēc aya aa la gam. Acä lēu ba we lēk kāk cī kɔc kök looi, cīmēn yī Gidiön, Barak, Thamthon, Jeptha, Debit, Thamel ku kɔc kāk Nhialic tiŋ. <sup>33</sup>Ku gam yen aci kɔc kök bäny bēn cop. Ku yen ŋic kɔc kök kɔc mac. Ku yök kɔc kök kē cī Nhialic thōn kɔc. Ku ē yen aci kɔc kök köör bēn der thook. <sup>34</sup>Kɔc kök kamken aaci mēc bēn nök, ku riückē röt bei ē paal thook. Kɔc kök ke niöp aaci bēn riel apei tɔŋ yic. Ku copkē yōm apuruuk ē wuōt kök. <sup>35</sup>Rin gam yen aci Nhialic rōök diäär bēn gam, ku cɔl kɔcken cī thou aa ben pīr. Ku kɔc kök aaci bēn aa gum ke cī kenhīim waar, rin bī ke jɔt aköldä. <sup>36</sup>Kɔc kök aya aake ye läät ku that ke. Ku kɔc kök aake ye rek ku mac ke. <sup>37</sup>Ku kɔc kök aake ye biōök aleel. Ku kɔc kök aake ye tēm köth ē rou. Ku kɔc kök aake ye tēm röt paal. Kɔc kök acin kē yekē cieŋ, aa kōt kek aake yekē kuōm kekōth. Kɔc kök aake ŋōŋ, ku aake ye baŋ ku kuc ke ciēŋ. <sup>38</sup>Kɔckä ěcīi path bīk cieŋ pinynhom. Aake ye piny kuany yic ē path roor liēet. Ku ciēŋkē adhuum yiic, ku kuōr yiic ku gat yiic.

<sup>39</sup>Ee ŋic lɔn le kɔckä ěbēn gam. Ku acin raan tōk kamken ca athōndīt Nhialic bēn yök. <sup>40</sup>Nhialic ěcī kēpath guir ke ŋic ɔo. Kēya, bī ke nhīim ku ɔo looi buk la cök yodhie.

11:24 B.bei 2:10-12 11:27 B.bei 2:15 11:28 B.bei 12:21-30 11:29 B.bei 14:21-31  
 11:30 Joc 6:12-21 11:31 Joc 2:1-21; 6:22-25 11:32 Bäny 6:11-8:32; 4:6-5:31; 13:2-16:31; 11:1-12:7;  
 1Tha 16:1-1Bŋ 2:11; 1Tha 1:1-25:1 11:33 Dan 6:1-27 11:34 Dan 3:1-30 11:35 1Bŋ 17:17-24;  
 2Bŋ 4:25-37 11:36 1Bŋ 22:26-27; 2Lēk 18:25-26; Jer 20:2; 37:15; 38:6 11:37 2Lēk 24:21

**12** Këya ëmën, ɣok aa ɲic kɔc juëc wäär cī gamden nyuɔɔth tënë Nhialic. Ku rin ë wët kënë pälku kāk ɣo thel adumuɔɔm yic, adumuɔɔm yeku ke lac looi. Ku aa ɣo gël buk dhël Jethu buɔɔth yic. Lok tueɲ ɣo wëër ke ɣo cīi dhör buk kē cī Nhialic guiër ɣo dööt. <sup>2</sup>Yeku rëër ɣo döt Jethu raan cī ɣo nyuɔth dhël ku gam la cök. Ku rin miët puɔu bi yök, yen aci yen ye gam bi thou tim cī riüu kɔu. Ku cīi kuc bi kē looi cīi päl, cök a wäär ye ke ye yöör guɔp. Ku ëmën a rëër kōɲ cuëc thöny Nhialic.

<sup>3</sup>Takkë tē cī Jethu guum thīn tēwäär ye kɔc kēc wët Nhialic gam ye gaany thīn akōlaköl, rin bi wek cīi dhör ku baathkē puɔth. <sup>4</sup>Rin aɲot cīn raan cī nök, ayī raan cī yiëk tētök kamkun kɔc cie wëtdun ye gam. <sup>5</sup>Cäk nhīim mää r wëët puɔth ye Nhialic we wëët ke we cīt miëthke?

“Manhdië, cök yīpuɔu piny tē wëët Nhialic yīin,  
ku duk cɔl aye kërac tē nyieeny yen yīin.

<sup>6</sup>Rin Nhialic ee kɔc nhieer keek cök piny.

Ku ee kuat raan cī gam kecīt manhde tēm awuɔc.”

<sup>7</sup>Guɔmkë käreɔc kecīt wëët Nhialic tënë we, rin ë yen we cɔl aciit miëthke. Nadë cäk kaɲ piɲ le manh kēc wun kaɲ that rin wic yen ye bi wëët? <sup>8</sup>Na cīi Nhialic we yik awuɔc wëët yen we cimën adhie ye wun miëth miëthke wëët, ke wek acie miëthke. <sup>9</sup>Cimën ye ɣok ɲot ɣo thek wärkua pinynhom ë tēn tē cök kek ɣo that, cuk bi lëu alanden buk röt thōn Nhialic, wun wëikua ku pīr tē wëët yen ɣo? <sup>10</sup>Wärkua aa ɣo wëët tē kor ɣok buk ɲiec cieɲ kam kɔc run lik pinynhom ë tēn, cīt tē yekë yök ye ke path. Ku Nhialic ë ɣo wëët akōlaköl rin kăpuɔth buk yök buk dhëëɲde rɔm kek ye. <sup>11</sup>Wëët acie guɔ nhiaar nyin yic, aye yök ciët ræɔc. Na lä thæer, ke kɔc cī tēm awuɔc aa la cök ku yekë kɔc ë döör.

<sup>12</sup>Këya, duɔkkë riɔc lak tueɲ ke we deet wepuɔth. <sup>13</sup>Biathkë dhël la cök yic, bi kɔc koor gam riel gamden yic. Ku cik mër wei wecök.

<sup>14</sup>Miëthakäi, themkë bāk ɲiec cieɲ ke kɔc ëbën, bāk rëër dhëëɲ Nhialic yic. Rin raan liiu dhëëɲ Nhialic tënë ye aciī bi kaɲ tiɲ. <sup>15</sup>Muɔkkë wenhīim bi ciën raan cīi dhëëɲ Nhialic yök. Ku tiërkë nhīim paan ë moor bi ciën raan loi kërac met we wei ëbën. Aɲieckë, ee dien tōk yen ë wär rac nyin. <sup>16</sup>Acīi path bi raan yepuɔu ya yiëk bal. Ku cīn raan loi rot bi yic pial cimën Ethau wäär pël diëtde tënë raan buɔth ye, rin cī yen ye gām miëth koor ë path. <sup>17</sup>Ku aɲieckë wäär wic Ethau ye bi la tënë wun bi la dɔc ku bi diëtde dhuök ciën, ku akēc dɔc bën yök tënë wun. Kënë akēc rot bën lëu bi waar yic cök a wäär cī yen dhiau pīu ë nyin.

<sup>18</sup>Wek aa kɛc bɛn we cīt kɔc Itharel wäär cī la gɔn Thinaɪ cök. Ku tɪŋkɛ manydīt apei ke dɛp. Nawɛn ke tɪŋ luäǟt aya ke cī gɔt paat piny ku looi muȫthdīt, ku yomdīt apei. Ku ye bir yic ku mɛ̄er apei abik riȫc ɛ̄bɛn <sup>19</sup>Ku piŋkɛ kaŋ yic ku röl la gei. Aaci Nhialic piŋ ke jam rȫldīt apei, nawɛn ke lɛkkɛ Mothith bī Mothith Nhialic löŋ bī cīi ben jam tɛnɛ ke. <sup>20</sup>Ku aaci jäl bɛn riȫc apei tɛwɛn piŋ kek Nhialic röl ke lɛk ke ɛ̄lä, “Acin raan yɛ̄et ɛ̄ gɔn kɛnɛ cök, na cɔk a lɛi ku le nhial ye ka biȫok aleel bī thou.” <sup>21</sup>Agut Mothith aci bɛn riȫc aya apei wɛn looi kakkä röt abī ya lueel, “Yen aye riȫc lath.”

<sup>22</sup>Wek aa kɛc bɛn gɔn Thinaɪ lȫm. Wek aaci bɛn gɔn Dhain lȫm, yen cī Jeruthalem ɛ̄ yam gen Nhialic pīr buth yenhom. Wek aaci bɛn yan miɛt pūu dīt yic tō̄ atuuc Nhialic juɛc apei thīn. <sup>23</sup>Wek aaci bɛn tɛnɛ Nhialic yen luk looi tɛnɛ kɔc ɛ̄bɛn. Ku tɛnɛ wɛi kɔc path cī Nhialic looi bik la cök. <sup>24</sup>Wek aaci bɛn tɛnɛ Jethu cī löŋ dȫr ɛ̄ yam looi. Acī riemde juaar rin bī Nhialic adumuȫmkua päl piny, rim cīi thöŋ kek rim Abel wäär thiɛc ɛ̄ guur.

<sup>25</sup>Wek aa yȫök bāk cīi kuc wɛt raan jam. Kɔc wäär cī kuc bik wɛtde cīi gam pinynhom tɛn aakɛc bɛn pūl ke cīi tɛm awuȫc. Na ye kɛya, buk poth kɛdɛ, yo cīi tɛm awuȫc tɛ cīi yök wɛt cī Nhialic jam tɛnɛ yo nhial piŋ? <sup>26</sup>Wäär rȫlde gɔn Thinaɪ ɛ̄ci piny yǟk. Ku ɛ̄mɛn aci kɔc lɛk ɛ̄lä, “Acie pinynhom rot yen ba yǟk, yen abī nhial yǟk aya.” <sup>27</sup>Ku dɛt aya, kɛ ye wɛlkä nyuȫth ɛ̄ lɔn kāk cī cak aabi röt yǟk ku nyieci ɛ̄ keek. Ku döŋ kāk cīi lɛu bī ke yǟk.

<sup>28</sup>Kɛya, yök aa kɔc cī Nhialic yiɛk pan cīn kɛ bī ye yǟk atheer. Lecku Nhialic ku dorku dhɛl ye cɔl amit pūu, ku rɛ̄erku ke thekku ku riȫcku ɛ̄ ye. <sup>29</sup>Rin ye Nhialic kɔc tɛm awuȫc thiek apei, acīt many adhie kɛriɛ̄c ɛ̄bɛn ruȫc piny.

### Tɛ ye Nhialic miɛ̄t pūu thīn

**13** Lak tuɛŋ we nhiaɪ röt akȫlaköl ke we cīt mīth tik. <sup>2</sup>Lor jȫl ɛ̄ pūn yer ku nyuȫc keek apath. Rin cī kɔc kök atuuc Nhialic kaŋ lor ke kuckɛ ke. <sup>3</sup>Duȫkkɛ nhīim ye mäǟr kɔc mac ku kɔc gum. Yakɛ ke kony ciɛt we mac ku guȫmkɛ ke ke.

<sup>4</sup>Thiɛ̄k adhil raan ɛ̄bɛn theek, rȫr ku diǟr aa dhil röt theek kamken bī ciɛn raan dɛ̄ek ŋek pūu. Nhialic abī kɔc cī rot thiaak ɛ̄ luui akɔr tɛm awuȫc, ku kɔc kɛc thiɛ̄k luui kāk ɛ̄ bal aya.

<sup>5</sup>Duȫkkɛ ye wīc wepūth bāk la kajuɛc apei, ye kɛdun muk yen ye yiɛk yīpūu rot. Acī Nhialic lueel theer ɛ̄lä, “Wek aacä bī kaŋ päl wei,

ku wek aacä bī nyääŋ wei.” <sup>6</sup>Na ye këya, rëerku ë cök ku ŋöthku Nhialic, ku yeku lueel ëlä, “Ee Nhialic yen ë ŷen kony, acin kë ben ya riääc. Le raan lëu ye ba luüi kërac?”

<sup>7</sup>Duökkë nhïim mär kɔcdit tueŋ wäär we lëk wël Nhialic. Takkë apath yen tē pīr kek thīn aŷet tē thou kek. Lušöikë cīmēnden gam yic. <sup>8</sup>Jethu Krītho acie rot ye waar. Ee yen tōŋ aköl wäär ku ya aköl ku akölriëëc ëbēn. <sup>9</sup>Duökkë röt cɔl aa rɛc ë nhïim piöoc juëc kɔc göi ye lueel lɔn cīi miith kök bī ya cam. Wek aa dhil wepuöth wël dhëëŋ Nhialic ku acie miith ye cam cīn kë yekë kuöny wëi kɔc ke cam.

<sup>10</sup>Ajuër ye looi bī ŷo awaar kërec yiic, acit ajuër löŋ döör wäär ye looi bī adumušööm päl piny. Ku acin raan ye pušl agut kɔc këŋ juaar tēnë Nhialic duël yic bik riīŋ län cī nök cuet. <sup>11</sup>Rin raandit kāk Nhialic ë ye riem län cī juër Nhialic ŷäth tē yaath duël yic rin bī adumušööm päl piny. Ku län cī nök ë ye nyop roor abī ya col. <sup>12</sup>Ku Jethu aya, ee thou geu köu aŷeer Jeruthalem. Tëwēn nök ye ëcī riemde kuër rin bī adumušöömku päl piny. <sup>13</sup>Këya, dhilku biaath aŷeer aya geu köu buk yär gušp wäär cī guum la rɔm kek ye. <sup>14</sup>Kënë adhilkulooi, rin pinynhom tē ciëŋ ŷok thīn acie yen tē bī ŷok ciëŋ thīn athɛɛr. ŷok aa tit gen yam yen bī bēn. <sup>15</sup>Këya, cit mēnë cī ŷok Jethu gam, yeku Nhialic leec akölaköl. Rin lëc ye ŷok ye leec piäthkua ëbēn, yen ajuërdan ye nyuöth lɔn ye yen Bëny. <sup>16</sup>Duökkë nhïim mär luçi këpath, ku kë ye wek röt kony kamkun, rin kakkä kek ajuër Nhialic cɔl amit pušu.

### Thek kɔckun dīt wël Nhialic

<sup>17</sup>Thek kɔckun dīt wël Nhialic, ku piŋ tē ye kek yī wëët thīn, rin ye kek kɔc tit wëiku. Ku aŋickë lɔn bī Nhialic ke thiëëc aköldä tē cī kek wëi kɔc tiëet thīn. Na thek ke ku gam wëtten, ka bī luçiden looi ke mit puöth. Ku na cī wëtten piŋ ka luui ke rem puöth. Ku na cik ŋic luui apath, ke la kë kuny kë yī? <sup>18</sup>Yakë röök rienkua. Acin këreëc rëër ŷopuöth. Awicku bī ya këpath yen yeku looi akölaköl. <sup>19</sup>Wek aa liem piändië ëbēn bāk röök bī Nhialic ya cɔl adhuk tēnë we ye nīnkä.

### Röök ciëen

<sup>20</sup>Ku ëmēn, bī Nhialic rëër kek döör, yen cī Bänyda Jethu cɔl aben pīr, week yiëk kāk wiëckë ke bī wek këden wic looi. Ku bī luui wepuöth riel Jethu raan cī lɔc ku dɔc, <sup>21</sup>bī wek kuat kāk ye miëët pušu ya looi. Jethu yen abiöŋdīt rin cī yen löŋ döör akölriëëc cī thany riemde looi. Bī diik ya këde akölriëëc ëbēn. Yenakan.

**Wël ciëen**

<sup>22</sup>Miëthakäi piɛŋkë wël lik deet wepuõth ca lëk we apath. Rin athör ca gät we aciek. <sup>23</sup>Awiëc bæk ŋic aya lon wämääthda Timothï aci lony ë ninkä. Na loc bën bä dööt, ke yok aabi cath ë tök buk we la neem.

<sup>24</sup>Miäthkë kɔckun dīt ku kɔc kōk cǐ wēt Nhialic gam ë rienkua. Wämäthakua pan Italia aa we muõõth aya.

<sup>25</sup>Bi dhëej Nhialic rëer kek we ëbën.